



## OFFICE OF THE CHIEF ELECTORAL OFFICER MIZORAM

No. H.12014/2/2023-CEO/Loose : Dated Aizawl, the 5<sup>th</sup> November, 2023

### PRESS NOTE

**Subject: Vawiin tlai dar 4:00 atang hian Campaign period a tawp a, silent period a intan ta.**

**5<sup>th</sup> November, 2023:** ECI thupek angin vawiin tlai dar 4 atang hian Campaign hun a lo tawp ta a. November ni 5, 2023 (Pathianni) tlai dar 4:00 atanga vote thlak ni November 7, 2023 (Thawhlehi) tlai dar 4:00 thleng, darkar 48 chhung hi Section 126 of RP Act, 1951 sawi angin 'Silent Period' a ni a. Hemi hun chhung hian Political campaign rawng kai reng reng neih phal a ni tawh lo a ni. Electronic Media kaltlanga election campaign lam thil kaihnawih mipui rilru sukthlek tidanglam thei thilte tarlan/chhuah a rem tawh lova, MCMC pawmpuina hmu hma sa lovin Print Media kaltlanga Political advertisement chhuah khap a ni. Silent period chhung hian Dry Day puan a nih avangin zu leh ruihtheihthil zawrh leh in khap tlat a ni a, mipui ngaihnan lakna 'Opinion Poll' siam khap a ni baw. Constituency pawn atanga Candidate puitu campaigner-te pawhin an campaign-na hmun an chhuahsan vek tawh tur a ni. Election Commission of India chuan Sec 126A of RP Act, 1951 tlawhchhanin November ni 7, 2023 zing dar 7:00 atanga November ni 30, 2023 tlai dar 6:30 thleng 'Exit Poll' siam a khap baw.

Model Code of Conduct leh Election kaihnawih dan siamte hi Candidate, Political party leh Sawrkar hnuaia awm zawng zawngte'n tha taka an zawm chhunzawm zel kan beisei a. Hremna dan lekkawh ngai kher lova mahni inthunun (self-regulate) theuh turin kan inngen nghal baw a ni.

General Election to Mizoram Legislative Assembly, 2023 atana P-2 Polling Station 149 a duty tur Polling party-te chuan vawiin hian an duty-na tur theuh an pan.

P-2 Polling Station-a duty tur Polling party-te chuan tukin dar 6 atang khan an duty-na tur hmun an pan tan a; a hnunung bera chhuakte'n chawhnu dar vel khan an duty-na tur Polling Station an pan a ni. Heng bakah hian P-2 Polling Station nilo P-1 Polling Station 1,127 a duty tur Polling party-te chuan naktuk hian an duty-na tur hmun theuh an pan dawn baw a ni.

ECI remtihain Mizoram chhunga Polling Station 149 te chu P-2 (P minus 2) ah puan niin, hengte hi kalpawh harsa deuh leh thlen nana hun duh reite an nih hlawm avangin inthlan hma ni 2 ah duty-na tur pana Polling party-te chhuah phalsak an ni.

Mizorama P-2 Polling Station kan neih dan chu hetiang hi a ni:-

Sl. No.	District	No. & Name of AC	No. of Polling Station
1	Mamit	1-Hachhek (ST)	9
2		2-Dampa (ST)	20
3		3-Mamit (ST)	10
4	Lunglei	34-Thorang (ST)	6
5		35-West Tuipui (ST)	10
6	Lawngtlai	36-Tuichawng (ST)	53
7		37-Lawngtlai West (ST)	32
8		38-Lawngtlai East (ST)	1
9	Siaha	40-Palak (ST)	8
<b>Total</b>			<b>149</b>

Lunglei District-ah chuan Saikuti Hall kawt atangin P-2 Polling party 16 te chu Pi Ramdinliani, District Election Officer hova thlah an ni a. Siaha District-a P-2 Polling party 8 te chu DC Complex atangin District Election Officer Pu Lalhmunsanga Hnamte hova thlah an ni a. Lawngtlai District-a P-2 Polling party 86 te chu Govt. Lawngtlai College tualzawl atangin District Election Officer Pu Joseph H.Lalramsanga hova thlah niin, Mamit District-a P-2 Polling party 39 te chu DC Complex atangin Pu V.L. Remliana, District Election Officer hova thlah an ni bawk.

**Sd/- H. LIANZELA**

Addl. Chief Electoral Officer,  
Mizoram  
&  
Nodal Officer, Media Cell

**Memo No. H.12014/2/2023-CEO/Loose : Dated Aizawl, the 5<sup>th</sup> November,2023**

Copy to:-

1. PS to Chief Electoral Officer, Mizoram
2. All District Election Officers, Mizoram.
3. All Returning Officers, Mizoram.
4. Director, I&PR Department for wide publicity.
5. Station Director, AIR/DDK Aizawl.
6. President, Mizoram Journalists' Association.
7. Proprietor, ZONET/LPS Cable TV.
8. All Editors, Mizoram.
9. All Political Parties.
10. Guard File.



**(LALLAWMKIMA)**

IPRO, State Media Cell  
CEO Office, Mizoram